

ZASTUPNIČKO PITANJE

Zastupnik – Hamed Aljović

Prema Vladi Kantona Sarajevo i Zavodu za izgradnju Kantona Sarajevo

Na Devetoj i Dvanestoj sjednici Skupštine Kantona Sarajevo sam postavio pitanje prema Zavodu za izgradnju Kantona Sarajevo i **nisam zadovoljan sa odgovorima** koje sam dobio i zbog toga postavljam slijedeća pitanja:

Za Vladu Kantona Sarajevo:

- Zašto je za poslanike/zastupnike u Skupštini Kantona Sarajevo **tajna** ko koristi stanove Zavoda i na osnovu kog pravnog akta sa imenima i prezimenima?

Za Zavod za izgradnju:

- Koji član Zakona o zaštiti ličnih podataka BiH, se odnosi na podatke koje sam tražio poslaničkom/zastupničkom pitanju upućenom prema Zavodu za izgradnju?

Obrazloženje: Kao građanin i kao zastupnik/poslanik u Skupštini Kantona Sarajevo **ne mogu razumjeti** da jedan zastupnik/poslanik u Skupštini ne može dobiti podatke ko stanuje (ko se nalazi) u stanovima Zavoda za izgradnju Kantona Sarajevo, Zavoda čij je osnivač i vlasnik Kanton Sarajevo odnosno Skupština Kantona Sarajevo. Pitam se kako će ovaj podatak dobiti građanin Kantona Sarajevo, kada isti ne može dobiti izabrani predstavnik građana zastupnik/poslanik. Ti isti poslanici/zastupnici koji godišnje usvajaju izvještaj o radu tog istog Zavoda.

Jesu li ovi podatci **državna tajna, poslovna tajna, vojna tajna** i sl i zbog postavljam pitanje prema Vladi Kantona Sarajevo.


Dva puta sam postavio pitanje Zavodu za izgradnju Kantona i to na Devetoj i Dvanestoj Sjednici Skupštine Kantona Sarajevo. Sa odgovorima koje sam dobio na moja pitanja (pitanje) nisam zadovoljan. Smatram da se na moje pitanje, odnosno podatke koje sam tražio u pitanju **ne mogu** primjeniti odredbe Zakona o zaštiti ličnih podataka (Službeni glasnik Bosne i Hercegovine, br. 46/06, 76/11 i 89/11) jer sam samo tražio imena i prezimena osoba koje koriste stanove Zavoda i ništa više.

Smatrao bi čak i logičnim da Zavod po ovom pitanju zatraži mišljenje od Agencije za zaštitu ličnih podataka u Bosni i Hercegovini ili da ste bar naveli član Zakona na koji se pozivate. Obzirom da to nije uradio Zavod, lično ću se obratiti Agenciji sa upitom da li se na tražene podatke u mom poslaničkom/zastupničkom pitanju mogu primjeniti odredbe Zakona o zaštiti ličnih podataka.

Nadalje, poslanici/zastupnici u Skupštini Kantona Sarajevo su izabrani od građana i njihovo je demokratsko pravo da postavljaju pitanja za koja smatraju bitnim i koja su u javnom interesu, bez obrazlaganja njihovog motiva a i dalje imam "indicije" po ovom pitanju, sve dok ne dobijem tražene podatke. Na svakoj narednoj sjednici Skupštine Kantona Sarajevo ću postavljati isto pitanje prema Zavodu dok ne dobijem adekvatan odgovor, jer u suprotnom gubi se smisao poslaničkih/zastupničkih pitanja i skupštinskog angažmana uopće.

U pitanju nisam, nigdje pominjao činjenicu da **neko neovlašteno koristi stanove** Zavoda već sam pitao koji je pravni osnov za to (korištenje stanova)?

30. 03. 2016. godine

Zastupnik

Hamed Aljović

ZASTUPNIK U SKUPŠTINI KANTONA SARAJEVO

Hamed ALJOVIĆ

SKUPŠTINA KANTON SARAJEVO

PREDSJEDAVAJUĆA

N/r. Ana BABIĆ

Predmet: Upit Agenciji za zaštitu ličnih podataka u BiH


Na Dvanestoj redovnoj Sjednici Skupštine Kantona Sarajevo održanoj 29.02.2016. godine u okviru tačke dnevnog reda „*zastupnička/poslanička, pitanja, inicijative i odgovori*“ sam postavio pitanje prema Zavodu za izgradnju Kantona Sarajevo

Dobio sam odgovor od Zavoda (akt br. 02-01-021-1730/16 od 24.03.2016. godine) u kojem se navodi da tražene podatke ne mogu dobiti jer se na iste primjenjuje Zakon o zaštiti ličnih podataka BiH. Smatram da se na navedene podatke ne može primjeniti Zakon o zaštiti ličnih podataka i ovim upitom se obraćam za Mišljenje Agencije za zaštitu ličnih podataka u BiH, po navedenom pitanju.

Ljubazno Vas molim, da ovaj moj Upit dostavite Agenciji za zaštitu ličnih podataka u BiH, N/r. Direktora G-din. Petar Kovačević

Sarajevo, 30.03.2016. godine

Zastupnik
Hamed Aljović



Poštovani direktore Kovačević,

Kao zastupnik/poslanik u Skupštini Kantona Sarajevo, na Dvanestoj redovnoj Sjednici Skupštine Kantona Sarajevo, održanoj 29.02.2016. godine, u okviru tačke Dnevnog reda „*Poslanička pitanja, inicijative i odgovori*“, postavio sam pitanje prema Zavodu za izgradnju Kantona Sarajevo.

Zastupničko/poslaničko pitanje koje sam postavio: „*Molim Zavod za izgradnju Kantona Sarajevo da mi dostavi imena i prezimena svih osoba koja koriste stanove koji su upisani u knjigovodstvene i finansijske knjige Zavoda, kao i pravni osnov za to, uključujući i stanove Zavoda, koji su dati na čuvanje Ministarstvu za boračka pitanja Kantona Sarajevo, Upravi za inspeksijske poslove Kantona Sarajevo, Stručnoj službi Vlade Kantona Sarajevo, Ministarstvu za stambene poslove Kantona Sarajevo i Ministarstvu za ljudska prava i izbjeglice BiH?*“

Od Zavoda sam dobio odgovor na moje postavljeno pitanje (akt br. 02-01-021-1730/16 od 24.03.2016. godine) u kojem se navodi: „*Napominjemo da se dostavljanje ličnih podataka zahtjeva provođenje procedura koje propisuje Zakon o zaštiti ličnih podataka (Službeni glasnik Bosne i Hercegovine br. 49/06, 76/11 i 89/11) koji se primjenjuje na lične podatke koje obrađuju svi javni organi, pa samim tim i ovaj Zavod. Tako prema navedenom Zakonu saglasnost za obradu posebne kategorije ličnih podataka mora biti data u pisanoj formi, mora je potpisati nosilac podataka, mora imati tačnu naznaku podataka u vezi sa kojima se saglasnost daje, te mora sadržavati ime kontrolora, svrhu i vremenski period na koji se saglasnost daje*“.

Nisam zadovoljan dobijenim odgovorom i molim vas da Agencija da Mišljenje da li se na navedene podatke (imena i prezimena) može primjeniti Zakon o zaštiti ličnih podataka u BiH ili Zavod koristi Zakon o zaštiti ličnih podataka kao „*zaštitu*“ za ne dostavljanje odgovora na moje zastupničko/poslaničko pitanje odnosno dostavljanje traženih podataka.

Unaprijed Vam se zahvaljujem,

Sarajevo, 30.03.2016. godine

Zastupnik


Hamed Aljović